

鼻

張渙按小兒肺氣通於鼻氣爲陽若氣受風寒停滯
鼻間則成鼻塞氣寒使津液不收則多涕若冷氣久
不散膿涕結聚使鼻不聞香臭則成齕鼻若挾熱則
鼻乾皆妨害乳食

薛巢氏云鼻乃肺之竅皮毛腠

理乃肺之主此因風邪客於肺而鼻塞不利者宜用
消風散或用蔥白七莖入油膩粉少許搗攤絹帛上
掌中護溫貼顙門因驚仆氣散血無所羈而鼻衄者
用異功散加柴胡山梔左臉青而兼赤者先用柴胡

清肝散後用地黃丸右臉赤乃肺大腸實熱也用瀉
白散鼻色赤乃脾胃實熱也用瀉黃散微赤乃脾經
虛熱也用異功散加升麻柴胡色深黃用濟生犀角
地黃湯後用楊氏地黃散淡白色用六君子湯額間
色赤用四物湯加山梔赤甚用五淋散小便赤色用
六味丸補中益氣湯唇色白用六君子湯久不愈用
麥門冬飲子若初病元氣未虧乳食如常發熱壯熱
二便秘結作渴飲水卧不露睛者悉屬形病俱實當
治邪氣若病久元氣已虧食少發熱口乾飲湯嘔吐
泄瀉肢體畏寒臥而露睛者悉屬形病俱虛當補正

氣爲要

鼻塞 演山凡產牙兒三朝五日六晨一臘忽然鼻塞
吮乳不能開口呼吸者多是乳母安睡之時不知持
上兒子鼻中出息吹着兒顙或以水浴洗川水溫冷
不避風邪所以致兒鼻塞宜與通關膏傅之消風散
服之或有驚悸作熱杜薄荷散與服通關膏用白殭
蠶豬牙皂角荆芥香附子川芎細辛等分爲末葱白
同研傅顙至妙

消風散 治胎熱胎寒兼治諸風上攻頭目昏痛項

背拘急肢疼目眩旋暈鼻塞多嚏皮膚頑麻癢瘡

癰疹小兒虛風

茯苓

川芎

羌活

荊芥穗

防風

去蘆

藿香

僵蠶

炒

蟬蛻

去嘴

甘草

炙

厚朴

製

陳皮

去白各等分

右為末每服五分茶清調下薄荷湯亦可急慢驚

風乳香荊芥湯調下或加雄黃名雄風散

薄荷湯

治鼻塞不通及夾驚傷寒極熱變蒸

薄荷葉

伍錢

羌活

全蝎

麻黃

去節

甘草

僵蠶

炒各壹錢

天竺黃

白附子

各貳錢半煨

右為末薄荷湯調下熱極生風加竹瀝少許一方

有柴胡台芎桔梗茯苓無全蝎僵蠶天竺白附

分漢辛夷膏

辛夷葉

壹兩洗焙乾

細辛

木通

香白芷

木香

各半兩

已上搗羅為細末次用

杏仁

壹分湯浸去皮尖研

右件用羊髓豬脂各二兩同諸藥相和於石器中
慢火熬成膏赤黃色放冷入龍腦麝香各一錢拌
勻每用少許塗鼻中若乳下嬰兒妳母吹著兒顙
鼻塞者只塗顙上

張雞峯方 治頤開不合鼻塞不通

右以天南星大者一枚微炮為末以淡醋調塗
緋帛上以貼頤上炙熱手頻熨之

莊氏治小兒鼻塞方

右以槐葉為末用乳母唾調厚塗頤上

吉氏葱涎膏 治兒生三五日鼻塞氣急飲乳之則

啼叫不止

葱葉

豬牙皂角 為末去皮
各末條

石爛研同皂角末成膏貼頤門上差

聖惠龍腦散 治小兒鼻齕不聞香氣

龍腦半錢 細研

瓜蒂拾肆枚

赤小豆參拾粒

黃連參大莖 去鬚

右件藥搗細羅爲散入龍腦研令勻每夜臨卧時以菜豆大吹入鼻中每用有少許清水出爲效

張渙清肺膏 治齁鼻病

瓜蒂半兩

附子壹枚炮 去皮臍

赤小豆

細辛

甘草各壹分已上 搗羅爲細末

右件入龍腦一錢研勻煉蜜和丸緜裹內鼻中隨鼻之大小

右二方前一方有熱者宜之後一方有寒者宜之

聖惠夫肺氣通於鼻若其藏爲風冷所傷
冷隨氣乘於鼻故使液涕不收也夫津液涕唾得熱
則乾燥得冷則流溢也

張渙菊花散 治鼻塞多涕等病

甘菊

防風

前胡

各壹兩

細辛

桂心

各半兩

甘草

壹分

右件搗羅爲細末每服半錢研入乳香少許煎劑
芥湯調下乳後

聖惠菊花散 治小兒腦戶傷於風冷鼻內多涕精

神昏悶

甘菊花

白朮

細辛

白茯苓

甘草

炙微赤剉

防風

人參

並去蘆各壹分

右件藥搗麤羅爲散每服一錢以水一小盞入生

薑少許煎至五分去滓不計時候量兒大小以意

分減溫服

萬全方芎藭散

治證同前

芎藭

半兩

甘菊花

白朮

防風

人參

細辛

白茯苓

甘草

炙各壹分

右件藥搗羅為散每服一錢以水一盞生薑少許煎至五分去滓溫服

鼻乾無涕

聖惠夫小兒肺臟壅滯有積熱上攻於腦

則令腦熱也又肺氣通於鼻主於涕若其臟有熱則津液乾燥故令無涕也

聖惠木通散

治小兒腦熱無涕口乾心躁眠卧不安

安

木通

制

麥門冬

去心焙

川升麻

各半兩

知母

犀角屑

甘草

炙微赤

杏仁

湯浸去皮尖雙仁麩炒微黃各壹分

梔子

仁二枚

右件藥擣羅爲麤散每服一錢以水一小盞煎至

五分去滓不計時候量兒大小加減溫服

張煥犀角升麻散 治腦熱肺壅鼻乾病

犀角屑 壹兩 川升麻 馬牙硝

黃連 各半兩

已上擣羅爲細末次用

朱砂 細研水飛半兩 牛黃 龍腦 各壹分研細

右件擣羅爲細末每服半錢溫蜜湯調下乳食後

萬全方麥門冬丸 治小兒心肺壅熱腦乾無涕時

有煩躁

麥門冬

去心焙壹兩

龍腦

細研半分

甘草

炙

牛黃

研入各壹分

黃連

赤茯苓

犀角屑

粉霜

朱砂

馬牙硝

研各

生乾地黄

子芩

各半兩

右件藥擣羅爲末入研了藥都研令勻每服半錢以溫蜜湯調下

鼻有息肉

千金翼論曰凡人往往有鼻中肉塞眠食

皆不快利得鼻中出息而俗方亦衆而用之皆無成効惟見本草云雄黃主鼻中息肉此言不虛但時人不知用雄黃之法醫者生用故致困斃曾有一人患

鼻不得喘息余以成鍊雄黃日內一大棗許大過十日肉塞自出當時卽得喘息更不重發其鍊雄黃法在千金翼仙丹方中具有之宜尋求也期有神驗千金治小兒鼻塞生息肉方

通草

細辛

各壹兩

右二味搗末取藥如豆着綿纏頭內鼻中日二千金翼治鼻中息肉塞鼻不得喘息方

取細辛以口濕之屈頭內鼻中傍內四畔多着日十易之滿二十日外以

葶藶

壹兩

松蘿

半兩

右二味擣篩以綿裹薄如棗核大內鼻中日五六
易之滿二十日外以吳白礬上上者二兩瓦坏裏
相合令置窖中燒之待瓦熟取擣篩以面脂和如
棗核大內鼻中日五六易盡更和不得頓和二十
日外乃差慎行作勞及熟食并蒜麪百日
千金翼治鼽鼻有息肉不聞香臭方

瓜蒂

細辛

各半兩

右二味爲散絮裹豆大塞鼻中須臾卽通

鼻赤丹溪治小兒赤鼻

雄黃

黃丹

各等分

用無根水調傅

或用菖蒲半葉酒蒸爲末調服解食毒

無根水
八落雨水

用碗盛之
者是也

薛氏云鼻色赤乃脾胃實熱也用瀉黃散微去乃脾
經虛熱也用異功散加升麻柴胡色深黃用濟生犀
角地黃湯後用楊氏地黃散淡白色用六君子湯
楊氏地黃散 治榮中有熱肺壅鼻衄

生地黃

赤芍藥

當歸身

川芎

各等分

右每服二三錢水煎熟入蒲黃少許春夏衄入地
黃汁蒲黃各少許秋冬衄用車前子汁少許

皇

幼
利
九

十
九

龜胸

錢肺熱脹滿攻於胸膈卽成龜胸又乳母多食五辛亦成張乳母乳兒常捏去宿乳夏常洗乳淨捏去熱乳若令兒飲熱乳損傷肺氣胸高脹滿令兒胸高如龜乃名龜胸曾此候因風痰停飲聚積心胸再感風熱肺爲諸臟華蓋居於膈上水氣汎溢則肺爲之浮日久凝而爲痰停滯心胸兼以風熱內發其外證唇紅面赤咳嗽喘促致胸骨高如覆掌名曰龜胸治法寬肺化痰利膈以除肺經痰飲先用五苓散和